



TREĆI SASTANAK PODODBORA U OKVIRU SSP-A IZMEĐU EU I BiH ZA POLJOPRIVREDU I RIBARSTVO



BRISEL, 25. OKTOBAR 2018.

Poljoprivreda i ruralni razvoj

1. BiH bi trebala težiti daljnjem usklađivanju svoje trgovinske statistike za poljoprivredne i ribarske proizvode s režimom EU, kako bi se spriječila kontinuirana neusklađenost između podataka BiH i EU o određenim robama, kao što su voće, orašasti plodovi, kafa, čaj, začini i šećer.
2. BiH treba pojačati svoje napore na poboljšanju administrativnih kapaciteta i resursa u tim sektorima s ciljem bolje pripremljenosti i postepenog približavanja Zajedničkoj poljoprivrednoj politici (ZPP) EU.
3. BiH mora osigurati zajedničku koordiniranu i koherentnu provedbu Strateškog plana za ruralni razvoj BiH (2018-2021.), pod vodstvom ljudi zaduženih za istu, kroz ciljano korištenje očekivanih sredstava u skladu s glavnim načelima ZPP-a, kao i učinkovito i redovito praćenje na nivoima svih vlada.
4. Vlasti na državnom nivou imaju posebnu koordinacijsku ulogu i odgovornost u ostvarivanju usklađenog pristupa.
5. BiH mora hitno pojačati svoje napore i dogovoriti se o pravnom okviru u vezi s provođenjem poljoprivrednog popisa.
6. Zakonodavstvo o vinu i organskoj proizvodnji na državnom nivou tek treba biti usklađeno sa zakonodavstvom EU i usvojeno. Entitetski zakoni moraju biti usklađeni sa zakonima na državnom nivou.
7. BiH treba nastaviti s izmjenama i dopunama svog zakonodavstva u području zaštite nacionalnih geografskih oznaka.
8. BiH mora napredovati u uspostavljanju i unapređivanju raznih poljoprivrednih informacionih sistema, osiguravajući njihovo usklađivanje na nivou cijele države.
9. BiH bi trebala razmotriti korištenje vanjske ekspertize za postavljanje smjernica za poljoprivredne informacione sisteme putem TAIEX-a ili druge odgovarajuće pomoći.

Ribarstvo

10. BiH bi trebala pokrenuti aktivnosti na izradi svoje strategije i akcijskog plana o ribarstvu i nastojati uskladiti svoje zakonodavstvo s *aquis*-em u području ribarstva i akvakulture.
11. BiH mora ojačati svoje administrativne kapacitete i riješiti različita otvorena pitanja, kao što je uspostava i upravljanje registrom flote, nastaviti usklađeno prikupljanje podataka o ulovu i istovarima po vrsti ribolova u cijeloj državi i uspostaviti relevantnu statistiku.

Sigurnost hrane, veterinarska i fitosanitarna politika

12. BiH bi bez odgode trebala pojačati svoje napore na usklađivanju s *aquis*-em u području sigurnosti hrane i veterinarskih pitanja kroz usvajanje zakonodavstva na državnom nivou. Potrebno je poboljšati i institucionalne kapacitete.
13. BiH bi trebala nastaviti pratiti situaciju u vezi s mogućim postojanjem bakterija *Xylella fastidiosa*.
14. BiH mora ojačati svoje administrativne i institucionalne kapacitete u pogledu fitosanitarnih inspekcija i laboratorija.
15. BiH mora izgraditi i održavati pouzdan i održiv sistem registracije i vakcinacije životinja kao mjeru za poboljšanje kontrole bolesti životinja, kao što je bolest kvrgave kože.